

dar sal Ludeke ofte syne Eruen dem Pussere laten eyn Bedde und twe Lakene und decke eme synen Dyck dar na mach Ludeke und syne Eruen nemen to Gherade dat beste Bedde und twe Lakene und der Vrouwen geschapene Ghewant und nicht mer to Gherade und vort tot Erue alle veir Boeten Schat als hir vor gesproken is und vortmer al dat ander Recht dat dusse vorgl. Lude Ludeken und dem Houe to Boghe plagen to doen und ghedain hebt dat solen se eme vort doen und der Sichte der sich deseluen Lude vormaten de' en dunket uns nicht recht wesen dar umme seghe Wy se doet und sal vortmer aue wesen. Hirnebe hebbe Wy de vorgenompten Punkte letterlicken und gensliken vorscheiden und dyt sal mallich dem anderen vortmer gans und siede halden. In Orkonde und Stebicheit dessen vorg. Stucke hebbe Wy unse Ingesegel gehangen an dessen Breyff de ghegeuen is und gescreuen int Jar unses Heren als man scriuet Dusent Dreyhombert und Sees und twintich Jar des Gudensdaghes na Paschedaghe.

Beilage 77.

Urkunde über die Dienspflicht der Monninghofer (bei Elffter) Hofsleute.

Wy Anthonius van Soß Gnaden Abt des Sticks Sent Ludgers to Werden zc. doen kunt und bekennen vermitz disen Breue So wy beuorens deme vesten Hermann van Westerholte saligen Gedachten in synen vorpachtinge unß. Monnickinchaues by Aldenzele gelegen thogelaeten und gegunt hadden dat He jaerlix van den Houesluden in denseluen Hoff hoerend nemmen mochte vor yren yaertiken Dienst twe Rodolffs Postulazgulden. Hebn Wy daerna angeseyn und gemeirekt dat de Guder yn den vorß. Hoff horende sommige Kleyne und to sodanen Penningen Dienstz haluen uthtorichten nicht wall vermoege. Duct mede angesien deseluen Houesluyde sodanen Dienst van Aldings van Fryheit des hiligen Herrsant Ludgers oene gelaten nicht gedaen hadden und daromß dan yn de nyen Vorpachtinge Berende und Borcharde van Westerholte Gebroedere naegelaten Soenen Hermanns vorß. sodane Besweringe vorlichtet, also dat deselue unse Lude vorß. den Gebroedern van Westerholte vorß. des Dienstes haluen jaerlix nicht mehr dan eynen Rodolffes Gulden schuldig wesen sollen to gheuen, dar mede se dan gefreyet sullen wesen van allen Dienste, id sy van Bede noch van Gebuede. Daet de vorß. Gebroeder ouck also angenommen, und dar up geseickert und gelouet hebn na Vermoege Segel und Breue van den vorß. Gebroedere uns ouer de Vorpachtinge gegeuen. In Orkonde Unser Abbiens Segels Datum anno **XVCIXo** up Donredage na Gereonis et Victoris Martyrum.